



關中武之望叔卿父輯著 武林 何應魁斗文父訂正

西陵 汪 淇愴漪子愛釋 天都 查 望于周父參閱

○胎前門上

○論胎屬十二經所養

手少陰動脈胎在神門於左右手掌後內側橫經下與關相對者是

尺脈更真

如此治皆得法

虞氏曰脈經云診其脈手少陰之脈動甚者妊子也蓋手少陰心脈也心主血脈故也又腎為胞門子戶尺中腎脈按之不絕當妊子也又曰婦人妊娠一月之時足厥陰脈養之二月足少陽脈養之三月手少陰脈養之四月手少陽脈養之五月足太陰脈養之六月足陽明脈養之七月手太陰脈養之八月手陽明脈養之九月足少陰脈養之十月足太陽脈養之是以諸經脈各養三十日也若夫至期當養之經虛實不調則胎孕為之不安甚則下血而墮矣夫手足十二經氣血盈虧不同如手足厥陰太陽少氣多血手足太陰少血多氣手足少陽氣多血少手足陽明氣盛血多安胎之法宜各按月依經視其氣血虛實而調之庶無胎墮之患其或感冒風寒別生異症又宜各按法而調治之

○論治胎產三禁

厥陰肝木乃風化之始故曰化之源而祖氣乃天真之氣非穀氣也東方生風風生出人亦保蟲也故從厥陰風木論

潔古云治胎產之病從厥陰經論之是祖氣生化之原也厥陰與少陽相為表裏故治法無犯胃氣及上二焦有三禁不可汗不可下不可利小便發汗則傷上焦之陽利大便則脈數而動脾利小便則內亡津液胃中枯燥製藥之法能不犯此三禁則榮衛自和而寒熱止矣如發渴則白虎氣弱則黃耆血刺痛而和以當歸腹中疼而加之芍藥大抵產病天行從增損柴胡雜症從增損四物宜辨脈證而用之

○論胎前調理法

心臟神腎主骨脾主肉故主然

集略云母之腎臟係於胎是母之真氣子之所賴也受妊之後宜令鎮靜則血氣安和須內遠七情外薄五味大冷大熱之物皆在所禁使露風邪不得投聞而入亦不得交合陰陽觸動慾火務謹節飲食若食充缺唇食天無聲食雜魚而致瘡癰心氣大驚而癩疾腎氣不足而解顛脾氣不和而羸弱心氣虛之而神不足見從母氣不可不慎

胎前約最忌藥除故不必多

出遺書乃至言也知七損八益之理者乃道此

氣貴者宜清熱養血氣肅者宜理氣安胎氣虛者宜補

宜知

此藥外有未盡者可類推

也苟無胎痛胎動瀉痢及風寒外邪不可輕易服藥不得已已審疾勢之重藥性高下不必多品然父少母老產女必羸母壯父衰生男必弱氣受偏癱與之補之補羸女則養血壯脾補男則壯脾節色羸女宜及時而嫁弱男宜待壯而婚昔人論年老有子者男不過八八女不過七七則知血氣在人固自有量夫豈逃陰陽之至數哉

論胎前用藥法

丹溪曰胎前當清熱養血○產婦因火逼動胎逆上作喘急者急用條芩香附之類為末調下條芩水中取沈者為佳黃芩安胎乃上中二焦藥能降火下行○天行不息所以生生而無窮菟蔚子治血行氣有補陰之妙命名益母以其行中有補也故曰胎前無滯產後無虛難產可煎作膏○條芩白朮乃安胎之聖藥俗以黃芩為寒而不用反謂溫熱藥能養胎殊不知胎孕宜清熱養血使血循環而不妄行乃能養胎○懷娠嗜物乃一臟之虛如愛酸物乃肝臟不能養胎而虛也○有孕八九個月必用順氣須用枳殼紫蘇梗

孕婦食忌

雞肉合糯米食令子生寸白蟲○食犬肉令子無聲○鯉魚同雞子食令子生疳多瘡○食兔肉令子缺唇○食羊肝令子多危○食鰾肉令子項短縮頸○雞子與桑椹同食令子倒生心寒○鮮魚同田雞食令子瘡癰○雀肉同豆醬食令子面生黑點黑子○食螭蟬令子橫生○食生薑令子多指○食水漿令絕產○食雀肉飲酒令子多淫無恥○食茨菰消胎氣○食驢馬肉過月難產○豆醬合藿香食之墮胎○食山羊肉令子多病○食鰕鱔無鱗魚難產○食諸般菌生子驚風而夭○食雀腦令子患雀目

孕婦藥忌

歌曰玃斑水蛭及蝨蟲烏頭附子配天雄野葛水銀并巴豆牛膝薏苡與蜈蚣三棱代精芫花麝大戟蛇脫黃雌雄芽硝芒硝丹皮桂槐花牽牛皂角同半夏南星與通草瞿麥乾薑桃仁通礪砂乾漆蟬腳爪地膽茅根莫用好

孕婦起居忌

便產須知云勿亂服藥勿過飲酒勿妄針灸弗向非常地便勿舉重登高涉險心有大驚犯之難產子必癩癩勿多睡臥時時行步勿勞力過傷使腎氣不足生子解顛腦破不合衣母太溫食母太飽若脾胃不和榮衛虛怯子必羸

瘦多病自家及鄰家動造動土犯其胎氣令子破形損命刀犯者形必傷泥犯者竅必塞打擊者色青點繫縛者相拘攣有此等驗如影響切宜避之

○候胎法

素問以是少陰脈動甚為有胎脈經以手少陰脈動甚為有胎豈心腎同一脈耶此只言素問蓋亦有見

貫乎妙

胎在尺脈的是至論然于王子亭之說亦為累厚者

丹溪以此胎男女之病原主胎產婦須知之

脈經曰婦人懷胎七月而不可知時時衄血而轉筋者此為娠也衄而動者非娠也○素問云婦人足少陰脈時動甚者姓子也○陰搏陽別謂之有子此王註云陰謂尺中也搏謂搏觸於手也此脈搏擊與寸脈殊別則謂胎子之兆脈經曰姓娠初時寸微小呼吸五至三月而尺數也脈滑疾重以手按之散者胎已三月也脈重手按之不散但疾不滑者五月也○尺脈左偏大為男右偏大為女左右俱大產二子大者如實狀○婦人姓娠四月欲知男女法左疾為男右疾為女俱疾為生二子王子亭云姓娠三部俱滑而疾在左為男在右為女○遣姓娠人面南行還復呼之左迴首者是男右迴首者是女○看上圖時夫從後急呼之左迴首者是男右迴首者是女也○婁金善云按丹溪云男受胎在左子宮女受胎在右子宮斯言大契是說也蓋男受胎在左則左重故迴首時慎護重處而就左也女胎在右則右重故迴首重處而就右也女胎在右則右重故迴首慎護重處而就右也推之於脈其義亦然胎在左則血氣護胎而盛於左故脈亦從之而左疾為男左大為男也胎在右則血氣護胎而盛於右故脈亦從之而右疾為女右大為女也亦猶經云陰搏陽別謂之有子言受胎處在臍腹之下則血氣護胎而盛於下故陰之尺脈鼓搏有力而與陽之寸脈殊別也又如應節發上則血氣從上而寸脈盛發下則氣血從下而尺脈盛發左則血氣從左而左脈盛發右則血氣從右脈盛也丹溪以左大順男右大順女為醫人之左右手蓋智者之一失也

診婦人有姓歌

肝藏血令肺主氣血為榮令氣為衛陰陽配偶不參差兩臟通和皆類例血衰氣旺定無娠血旺氣衰應有體○寸微關滑尺帶數流利往來並雀啄小兒之脈已見形數月懷姓猶未覺○左疾為男右為女流利相通速來去兩手關脈大相應已形亦任前通語○左手帶縱兩個男右手帶橫一隻女左手脈逆生三男右手脈順生三女○寸關尺部皆相應一男一女分形証有時子死母身存或即母亡存子命○往來三部通流利滑數相參皆替替陽實陰虛脈得明遍滿胸膈皆逆氣○左手太陽浮大男右手太陰沉細女諸陽為男諸陰女指下分明長取記○三部沉

實孕無疑大弦不止真胎婦夫乘妻分縱氣霧妻乘夫分橫氣助子乘母分逆氣參母乘子分順氣護○小兒曰足胎成聚身熱脈亂無所苦汗出不食吐逆時精神結備其中任滑疾不散胎三月但疾不散五月母弦緊牢強滑者安沈細而微歸泉路

神方驗胎散 婦人兩三個月月經不行疑是兩身却疑血滯心煩寒熱恍惚此藥可驗

真准腦芎兩當歸全用重一兩者只用七錢○右二味為細末分作二服濃煎好艾湯一盞調下或好酒調服亦得可待三

兩個時辰間覺臍腹微動仍煩即有胎也動罷即愈安穩無虞如不是胎即不動所滯惡物自行母亦安也如服藥不覺効再煎紅花湯調下必有神効

驗胎方 經脈不行已經三月者

用川芎為細末濃煎艾葉湯空心調下二錢覺腹內微動即有胎也否則經滯

艾醋湯 如過月難明有無或月數未足難明○用好醋炆艾服半盞後腹中番大痛是有孕不為痛定無

擦胎散 婦人胎氣有無疑似

皂角去粗皮甘草各一錢黃連五分 右為細末作一服酒溫調服

○逐月養胎法

北齊名醫徐之才云妊娠一月名胎胚飲食精熟酸羹受御宜食大麥母食腥辛是謂挽正○妊娠一月足厥陰脈養不可針灸其經如大敦行開太衝中封五里中趾等穴是也足厥陰內屬於肝肝主筋及血二月之時血行否溢不為力事寢必安靜

無令恐畏

妊娠二月名始膏無食辛臊居必靜處男子勿勞百節皆痛是為胎始結○妊娠二月足少陽脈養不可針灸其經

如膽竅血墟付陽絕骨外立陵泉等穴是也足少陽內屬於膽膽主精二月之時見精成於胞裏當慎護勿驚動也妊娠三月名始胎當

此之時未有定儀見物而化欲生男者操弓矢欲生女者弄珠璣欲子美好數視璧玉欲子賢良端坐清虛是謂外

象而內感者也○妊娠三月手心主脈養不可針灸其經如中衝勞宮大陵內關等穴是也手心主內屬於心母悲哀思慮

驚動○妊娠四月始受水精以成血脈食宜稻梗羹宜魚鴈是謂盛血氣以通耳目而行經絡○妊娠四月手少陽

皂角擦胎本有不止但恐胃弱之婦即無胎亦不免於吐耳

胎養不可針灸其經如關衝陽地內關三陽手少陽內輸三焦四月之時見六臟順成當靜形體和心志節飲食

妊娠五月始受火精以成其氣胎必宴起沐浴衣深其居處厚其衣服朝吸天光以避寒殃其食稻麥其羹牛羊

和以菜羹調以五味是謂養氣以定五臟○妊娠五月足太陰脈養不可針灸其經應治大部公孫商丘三陰足太

陰內輸于脾五月之時兒四肢皆成母大飢母甚飽母食乾燥母自炙熱母大勞倦

妊娠六月始受金精以成其筋身欲微勞無得靜處出遊於野數觀走犬及視走馬食宜驚驚猛獸之內是謂變膝

理級筋以養其力以堅腎臍○妊娠六月足陽明脈養不可針灸其經如厲兌豐隆陰市上廉三里等穴是也足陽明內屬於胃主其

口目六月之時兒口目皆成調五味食甘美母大飽

妊娠七月始受水精以成其骨勞身搖肢無使定止動作屈伸以運血氣居處必燥飲食避寒常食稻稷以密膝理

是謂養骨而堅齒○妊娠七月手太陰脈養不可針灸其經如少商魚際列缺尺澤天府等穴是也手太陰內屬於肺主皮毛七月之

時兒皮毛已成無大言無號哭無薄衣無洗浴無寒飲

妊娠八月始生土精以成膚革和心靜息無使氣極是謂密腠理而光澤顏色○妊娠八月手陽明脈養不可針灸

其經如商陽二關合谷上下廉三里曲池肩井肩髃等穴是也手陽明內於大腸主九竅八月之時兒九竅皆成無食燥物無輒失食無忍大

起

妊娠九月始受石精以成皮毛六腑百節莫不畢備飲體食甘緩滯自持而待之是謂養毛皮致才力○妊娠九月

足少陰脈養不可針灸其經如湧泉然谷太谿文信足少陰內屬於腎腎主絡繆九月之時兒脈絡繆皆成無處濕

冷無著炙衣

妊娠十月五臟俱備六腑齊通納天地氣於丹田故使關節人神皆備但俟時而生

妊娠一月始胎二月始膏三月始胎四月形體成五月能動六月筋骨立七月毛髮生八月五臟具九月穀氣入胃

十月諸神備即產矣宜服滑胎藥八月即服

烏雌雞湯 妊娠一月陰陽新合為胎寒多為痛熱多卒驚舉重腰痛腹滿胞急卒有所下當預安之宜服此

烏雌雞一隻治 阿膠各二 吳茱萸升人參 麥門冬五合 白朮 芍藥各三 甘草 生薑各一 右

烏雌雞一隻治 阿膠各二 吳茱萸升人參 麥門冬五合 白朮 芍藥各三 甘草 生薑各一 右

胎胞一月生氣方展傷之則薄矣故用溫升之藥以助之然於丹溪清熱養血之治須活看

麻黃之用非果有風寒者不可即果有風寒體虛者亦不可宜酌之

生地為君黃連為臣似大寒矣而又佐以姜參豈非中和之劑乎至於解熱養法并實後服法俱佳

吐咀以水一斗二升煮雞汁取六升

補胎湯 若曾傷一月胎者當預服此

細辛^兩防風^兩乾地黃 白朮 生薑^{四兩}吳茱萸 大麥^{各五錢}烏梅^{一升} 右吐咀以水七升煮取二升半分三

服先食服○寒多者倍細辛茱萸熱多渴者去之加瓜蒌根二兩 若有所思加栝子人參○一方有人參一

兩

艾葉湯 姙娠二月陰陽踞經有寒多壞不成有熱即姜悻中風寒有所動搖心滿臍下懸急腰背強痛卒有所下

乍寒乍熱宜服此

艾葉 丹參 當歸 麻黃^{各一兩}人參 阿膠^{各三兩}甘草^{一兩}生薑^{六兩}大棗^{十二枚} 右吐咀以酒三升水一斗煮

減半去滓內膠煎取三升分三服○一方用烏雌雞一隻煮汁並頭煎藥

黃連湯 若曾傷二月胎者當預服此

黃連 人參^{各一兩}吳茱萸^{五兩}生薑^{三兩}生地黃^{五兩}○一方用當歸^{半兩} 右吐咀以酢漿七升煮取三升分四服日

三夜一十日一修合若頗覺不安加烏梅一升水煎不用漿

雄雞湯 姙娠三月為定形有寒大便青有熱小便難不赤即黃卒驚恐憂愁嘆怒喜頓仆動於經脈腹滿繞臍苦

痛或腰背卒有所下宜服此

雄雞^{一隻}黃苓 白朮 生薑^{各一兩}麥門冬^{五兩}芍藥 人參 茯苓 甘草 阿膠^{各一兩}大棗^{十二枚} 右吐咀以水一斗三升煮雞減半出雞內藥煮取半內清酒三升并膠煎取三升分三服一日令盡○一方用當歸

咀以水一斗三升煮雞減半出雞內藥煮取半內清酒三升并膠煎取三升分三服一日令盡○一方用當歸

川芎各二兩不用黃苓生薑

茯神湯 若曾傷三月胎者當預服此

茯神 丹參 龍骨^{各一兩}人參 當歸 阿膠 甘草^{各一兩}大棗^{二十枚}赤小豆^{二十粒} 右吐咀以酢漿一斗煮

取三升分四服先日服七日後服一劑 腰痛者加桑寄生二兩^{深神有雄白二兩麻子一升}

菊花湯 姙娠四月有寒心下愠愠欲嘔胸膈滿不欲食有熱小便難數數如淋臍下苦急卒風寒頸項強痛寒熱

或驚動身軀腰背腹痛往來有時胎上迫胸心煩不得安卒有所下宜服此

菊花

雞子大一枚

麥門冬升人參半甘草

當歸各二麻黃

阿膠各二半夏四生薑五

大棗十枚

右咬咀以水八升煮減半內清酒三升并阿膠煎取三升分三服溫卧當汗以粉粉之護風寒四五日○一方

用烏雌雞一隻煮汁煎藥

調中湯 若曾傷四月胎者當預服此

白朮

枳實 李根白皮 厚朴

柴胡

白芍藥

生薑

當歸

芍藥

續斷

烏梅升甘草

兩

右咬咀以水一斗煮取三升分四服日三夜一八日後復服一劑

阿膠湯

妊娠五月有熱苦頭眩心亂嘔吐有寒苦腹滿痛小便數卒有恐怖四肢疼痛寒熱胎動無常處腹痛悶

頓欲仆卒有所下宜服此

阿膠

人參 當歸 芍藥

甘草

黃芩

麥門冬

吳茱萸

旋覆花

生薑

右咬咀以水九升

煮藥減半內清酒三升并膠微火煎取三升半分四服日二夜一先食服便愈不瘥再服○一方用烏雌雞一

割取咽血內酒中以水煮雞汁煎減半內酒并膠煎取二升半分四服

安中湯 若曾傷五月胎者當預服此

黃芩

當歸

芍藥

乾地黄

人參

甘草

芍藥

麥門冬

五味子

火麻仁

生薑

大棗

右咬咀以水七升清酒五升煮取三升半分四服日三夜一七日復服一劑

麥門冬湯

妊娠六月卒有所動不安寒熱往來腹內脹滿身體腫驚怖忽有所下腹痛如欲產手足煩疼宜服此

麥門冬

人參

甘草

黃芩

乾地黄

阿膠

生薑

大棗

右以水七升煮減半內清酒二升

并膠煎取三升分三服中間進糜粥○一方用烏雌雞一隻煮汁煎藥

柴胡湯 若曾傷六月胎者當預服此

柴胡

乾地黄

白朮

芍藥

當歸

麥門冬

甘草

從容

生薑

大棗

右以水一斗煮取三升分四服日三夜一中間進糜粥勿食生冷及堅硬之物七日更服一劑

一方有黃芩二

兩

右以水一斗煮取三升分四服日三夜一中間進糜粥勿食生冷及堅硬之物七日更服一劑

右以水一斗煮取三升分四服日三夜一中間進糜粥勿食生冷及堅硬之物七日更服一劑

此方妙在生薑八兩然非真若傷寒煩熱氣血兩虛者不可輕用

病在肺肺之用主乎布散以下諸藥皆補肺而溫散酸收者也甘草梗米又補土生金之藥

補土生金散寒除痛

八月用葵子當思之

九月獨言利且曰四服即止必有所見然藥品燥熱用宜斟酌

附子安胎亦是奇品苟非氣弱胎寒者不可輕試

慈白湯 妊娠七月忽驚恐搖動腹痛卒有所下手足厥冷脈若傷寒頸熱腹滿氣短常苦頸項及腰背強

慈白十四寸長黃著 當歸 甘草各三兩 人參半兩 黃芩兩 阿膠四兩 麥門冬 半夏各一升 薑八兩 旋覆花合

右咬咀以水二升煮減半內清酒三升及膠煎取四升每服一升日三夜一溫卧當汁出若不出者加麻黃二兩煮服如前法若秋後勿強責汗○一方以黃雌雞一隻割咽取血內酒中煮雞取汁以煎藥

杏仁湯 若曾傷七月胎者當預服此

杏仁 甘草各二兩 紫苑兩 鍾乳 乾薑各二兩 麥門冬 吳茱萸各二升 五味子合 梗米五合 右咬咀以水八升煮

取三升半分四服日三夜一中間進食七日服一劑○一方用白雞一隻煮汁煎藥

芍藥湯 妊娠八月中秋風寒有所犯觸身體盡痛乍寒乍熱胎動不安常苦頭眩痛繞臍下寒時時小便白如米汁

或青或黃或時寒慄腰背苦冷而目痛眩暈

芍藥 人參 生薑各四兩 白朮 當歸 甘草各二兩 厚朴二兩 薤白切一升 右咬咀以水五升清酒四五合煮取

三升分四服日三夜一○一方用烏雌雞煮汁以煎前藥

葵子湯 若曾傷八月胎者當預服此

葵子二升 芍藥四兩 白朮 柴胡各三兩 厚朴 甘草各二兩 生薑六兩 大棗二十枚 右咬咀以水六升煮取三升分三服日

三凡十日一劑○一方用烏雌一隻煮汁煎藥

半夏湯 妊娠九月若水得下痢腹滿懸急胎上衝心腰背痛不可轉側短氣宜服此

半夏 麥門冬 吳茱萸 當歸 阿膠各三兩 乾薑二兩 大棗十二枚 右咬咀以水九升煮取三升去滓內白密

入合微火上溫服四服痢即止○一方雌烏雞一隻煮汁煎藥

豬腎湯 若曾傷九月胎者當預服此

豬腎具一白朮四兩 茯苓 桑寄生 乾薑 乾地黄 芎藭各三兩 附子一枚 大豆三升 麥門冬一升 右咬咀以水一

斗煮腎令熟去腎內諸藥煎取三升半分四服日三夜一十日更一劑

惡阻俗病兒寒亦
間有不病者又不
於強弱此何以故
俗所謂胎氣好

惡阻亦有寒熱不可
不知

醒脾二字足以盡之
也

有熱是內熱有客熱
是邪熱挂心炒用即
不墮胎然非真腹冷
下利者不宜宜加大
黃是一案

惡阻謂嘔吐惡心頭眩惡食擇食是也○千金方云凡婦人虛羸血氣不足腎氣又弱或當風飲冷太過心下有痞
水者欲有胎而喜病阻所謂欲有胎者其人月水尚來顏色肌膚如常但苦沉重憤悶不欲飲食又不知其患所在
脈理順時平和則是欲有娠也如是經二月日後便覺不通則結胎也阻病者患心中憤憤頭重眼眩四肢沉重懈
惰不欲飲作惡聞食氣欲飲酸醎果實欲飲少起世謂惡食其至三四月日已上皆大劇吐逆不能自勝舉也此由
經血既閉水漬於臍藏氣不宜通故心煩氣悶氣逆而嘔吐也血脈不通經絡否滯則四肢沉重披風則頭目眩也
覺如此候者便宜服半夏茯苓湯數劑後將茯苓丸痰水消除便飲食也既得食力體強氣壯力足養胎母便健矣
大全云妊娠稟受怯弱便有阻病其狀顏色如故脈息和順但覺肢體沉重頭目昏眩擇食惡聞食氣好食醎酸甚
者或作寒熱心中憤悶嘔吐痰水恍惚不能支持巢氏謂之惡阻但症有輕重耳輕者不服藥亦不妨重者須以藥
療之千金方以半夏茯苓湯茯苓丸專治阻病然此二藥比來少有服者以半夏有動胎之性蓋胎初結慮其易散
不可不謹也張仲景傷寒論有用黃龍湯者小柴胡湯中去半夏是也此蓋為妊娠而設馬王子亨則有白朮散局
方則有人參丁香散楊脈則有人參橘皮湯齊士明則有醒脾飲皆不用半夏用之多効

李茂翁云若左脈弱而嘔服諸藥不止者當服理血歸厚藥則愈經云無陰則嘔是也

薛氏曰前證若中腕停痰用二陳藥加枳殼若飲食停滯用六君子加枳殼若脾胃虛弱用異功散若脾氣不足用
人參橘皮湯兼氣陷加枳殼胸膈痞悶更加蘇梗脇痛再加柴胡若飲食少思用六君子加紫蘇枳殼頭暈體倦用
六君子湯若脾胃虛弱嘔吐不食用半夏茯苓湯蓋半夏乃健脾氣化痰滯之主藥也脾胃虛弱而嘔吐或痰涎壅
滯飲食少思胎不安必用半夏茯苓湯倍加白朮然半夏白朮茯苓陳皮砂仁善能安胎氣健脾胃子常用之驗半
夏茯苓湯○始妊娠惡阻嘔吐心煩頭目眩暈惡聞食氣好食醎酸多卧少起百節煩疼羸瘦有痰胎孕不牢

半夏湯洗七次薑汁炒黃白朮陳皮錢各一熟地黃明通者旋覆花無發延桔梗人參芍藥川芎甘草各五

右以咀加生薑三片水煎空心服兼服後茯苓丸○千金方無旋覆花有紫蘇葉細辛○有熱加黃芩○有客

熱煩渴口瘡去橘皮細辛加前胡知母各七分半○若腹冷下利去地黃加炒桂心五分○若胃中虛熱大便

秘小便赤澀去地黃加大黃七分半黃芩一錢

補脾利氣行痰水

此方有辛散酸收之妙

重在心虛煩悶故用麥門竹茹

此方清而不寒自是一法

清肺胃降逆氣散滯氣而不閉半夏又是

生地汁浸蒸餅法不特制半夏之燥而又

陳皮半夏湯 治懷妊氣血不足胎氣始盛逆動胃氣惡阻嘔吐不進飲食

陳皮去白鹽水炒 茯苓錢各一 半夏製一錢半 子芩湯姜汁炒 枳殼炒麩 紫蘇各八分 甘草炙五分

右切一劑生薑三片水一鍾煎七分

分食遂溫服

旋覆花湯 治妊娠六七月間胎不常處亦治阻病

旋覆花分五 白朮 厚朴 枳殼 黃芩 茯苓各一錢五分 半夏 芍藥 生薑各一錢 右咬咀作一服水煎食前

溫服

縮砂二陳湯 治妊娠脾胃虛弱飲食不化嘔吐不止

半夏 陳皮去白砂仁炒 仁錢各一 白茯苓錢二 甘草炙五分 右加生薑三片棗一枚烏梅肉少許水煎服一二劑後茯苓

丸

參橘散 治妊娠惡阻吐逆痰水不食心虛煩悶

人參 橘皮去白 茯苓 麥門冬去心 白朮 厚朴薑汁炒 甘草炙五分 右作一服加生薑七片竹茹如彈子大

煎服

青竹茹湯 治妊惡阻嘔吐不食

竹茹彈子大一圓 橘皮 白茯苓錢各一 半夏湯泡七次 生薑錢各二 右剉水煎溫服忘羊肉錫餅等物

蘆根湯 治妊娠嘔吐不食兼吐痰水

生蘆根七錢 橘紅四分 生薑六分 檳榔二分 枇杷葉三分 右切以水二盞煎七分空心熱服

一方 治妊娠惡食心中煩憤熱悶嘔吐

青竹茹 麥門冬各三兩 前胡二兩 橘皮一兩 蘆根一兩 〇如體熱四肢煩熱加地骨皮一兩 右切細以水一大升煮

半升去渣分兩服食前

人參半夏丸 治妊娠惡阻酸心胸腹冷痛吐逆不食

人參半兩 半夏湯泡 乾薑半兩 右為末以生地黃汁浸蒸餅為丸如桐子大每服四十九丸米飲下 〇葉氏曰

前方用乾生薑此用
炮薑又用桂心亦太
熱矣而炮與生又從
有別不可不知

大前方論半夏動胎而不用今仲景豈獨不知此而用於此方乎予治妊娠阻病累用半夏未嘗動胎也經云
有故無損是也

茯苓丸 治妊娠惡阻心中煩悶吐痰眩暈先服半夏茯苓湯兩劑後服此藥

赤茯苓 人參 桂心 乾薑炮 半夏洗七 陳皮焙 各二錢 葛根 白朮 甘草炙 枳殼去白 黃芩炒 右為細末

煉蜜丸如桐子大每服五十丸空心米飲下日三服○一方加麥門冬○肘後方加五味子

歸原散 治妊娠惡阻嘔吐不止頭痛全不入食服諸藥無效者

人參 甘草 川芎 當歸 芍藥 丁香各半 白茯苓 白朮 陳皮各一 枳殼炒 枳殼炒 各二錢 半夏洗

兩 右以咀每服三錢加生薑五片棗一枚水煎服

橘皮湯 治妊娠嘔吐不下食

橘皮 竹茹 人參 白朮各二錢 生薑錢一 厚朴半錢 右對水煎服

惡阻惡食責之脾虛嘔吐責之有火所謂諸逆衝上皆屬於火也此方竹茹能平少火厚朴能下逆氣橘皮生

薑所以開胃人參白朮所以益脾欲其安穀云爾

白朮湯 治胃虛惡阻吐水甚至十餘日水漿不入者

白朮炒 人參錢五 丁香半錢 甘草錢一 右為細末每服二錢加生薑五片水煎食前溫服

人參丁香散 治妊娠惡阻胃寒吐逆翻胃吐食及心腹刺痛

人參錢五 丁香錢半 藿香錢半 右以咀每服五錢水煎服

二香散 治妊娠胎動不安氣不升降嘔吐酸水起坐覺重

香附子兩 藿香葉 甘草各二錢 右為細末每服二錢沸湯調下不拘時

白朮散 治妊娠胎氣不和進飲食

白朮炒 人參 紫蘇錢各一 青皮白去 川芎 訶子各八分 甘草炙五 右以咀作一服加生薑三片水煎服

保生湯 治妊娠惡阻少食嘔吐或兼吐瀉作渴

吐瀉作渴則效在烏梅矣作烏梅者非

健胎養血清火則衝任自足非孕日安

鉤藤寄生清肝藥補氣血

人參錢一白朮炒甘草炒香附烏梅一萬作橘紅各五分右剉加生薑水煎服○覺惡心嘔吐加丁香

縮砂散 治妊娠胃虛氣逆嘔吐不食○縮砂仁為末每服二錢生薑或米飲調服

○胎動不安

大全云妊娠胎動不安者由衝任經虛受胎不實也亦有飲酒房室過度損動不安者有誤擊觸而胎動者有喜怒氣宇不舒傷於心肝觸動血脉者有信醫宜服暖補反為藥所害者有因母病而胎動者但治母病其胎自安有胎不堅固動及母病但當安胎其母自愈當以母形色察之若面赤舌青兒死母活面青舌赤口中沫出母死子活若唇青兩邊沫出者子母俱死

安胎散 妊娠常服安胎

白朮當歸各一錢五分甘草五分右剉水煎服○如腹脹加神麴麥芽各二分半○氣虛泄瀉加人參

三分陳皮二分○潮熱加柴胡一錢○氣上逆加枳殼三分

蒼米湯 常服健脾清熱故胎不動

子苓白朮各五錢右剉水煎服○一方苓朮各半兩加當歸二錢○一方用苓朮等分為末粥丸桐子大每服

五十丸白湯下名安胎丸

金匱當歸散 此方養血清熱孕婦宜常服之如瘦人血少有熱胎動不安素曾半產者皆宜服之以清其源而無

後患也

當歸 川芎 白芍藥 黃芩各一兩白朮二兩右為末每服二錢酒飲調服日再服或用酒糊為丸如桐子大

每服五十丸茶湯任下日三服

鉤藤湯 治妊娠八九月胎動腹痛面青冷汗氣欲絕者此由勞動用力以傷胎宮宜急治之

鉤藤 當歸 茯神去木人參各一錢桔梗一錢桑寄生五分右剉水煎服○煩熱加石膏二錢半

十聖散 治因母疾病氣衰血少不能護養其胎以致不安者宜此主之即十全大補湯加減

人參 黃耆 白朮 地黃 砂仁各五分甘草 當歸 川芎 芍藥各一錢川續斷八分右剉水煎服

糯米者氣味之陰所以補地氣之不足秉天行之健也

阿膠益經固血艾葉助陽上升升則不墜固則不流故三方皆用之

二方平中之奇且奏効最捷

解毒良方

黃耆湯 治胎動不安腹痛下黃汁○黃耆 川芎各一兩 糯米二合 右細剉水二大盞煎至一盞三分溫服
佛手散 治妊娠因事暴殛胎動不安或于死腹中惡露不下疼痛不已用此藥探之若不損則痛止子母俱安若胎損立便遂下

當歸 治去蘆酒 右剉先用酒一鍾煎乾再入水一鍾煎二三沸溫服
小膠艾湯 治傷損動胎下血腹痛

阿膠炒成珠 艾葉二兩 右剉水煎服○指迷方加秦光二兩

膠艾芎歸湯 治妊娠二三月上至八九月頓仆跌胎動不安腰腹疼痛欲死已有所下

阿膠 川芎各三兩 當歸 乾地黄 艾葉各二兩 一方有甘草無地黄 右切細以水七升煮取三升半分三服

阿膠散 治妊娠或因傾仆或因毒藥胎動不安腰腹疼痛或有所下

阿膠蛤粉炒 艾葉炒 當歸酒炒 川芎 白芍藥炒 熟地黄洗 黃耆 甘草炙各一錢 右咬咀加生薑五片棗三枚水煎空心服

當歸湯 治妊娠胎動盡心煩燥悶絕口乾橫生逆產上衝下築迷悶唇口青黑手足冷厥

當歸 人參各一兩半 阿膠炒 甘草各三兩 右咬咀每服八錢加連鬚葱白一莖水煎溫服○一方有川芎○一方有川芎厚朴無甘草

一方 治妊娠從高墜下腹中下血煩悶

生地黃 益母草各一兩 當歸 黃耆各半兩 右咬咀每服四錢水一盞薑四片煎至六分去渣服無時

二物解毒湯 治誤服毒藥動胎 甘草 黑豆 淡竹葉各三分 右用水煎濃服

白扁豆散 治妊娠誤服諸般毒藥毒物 白扁豆生去皮為細末米飲調服方寸匕神効或濃煎亦可

○治漏下血 妊娠經來

脈經云婦人經月下但為微少師脈之反言有軀其後審然其脈何類何以別之師曰寸口脈陰陽俱平榮衛調和

此言漏胎有三衝任
虛者血海自虛也七
情飲食胃寒者因有
所感也宿疾者氣血
失於榮

漏胎崩風藥亦是升
舉肝氣使血不瀉則
胎自固不但此風已

精卷

兩虛也

按之則滑浮之則輕陽明少陰各如經法身反灑淅不欲飲食顛痛心亂嘔噦欲吐呼則微數吸則不驚陽多氣溢陰滑氣盛當作血盛滑則多實六經養成所以月見陰見陽精汁凝胞散者損墮設復陽盛雙姓二胎令陽不足故令激經也經又少故知孕○大抵妊娠經來不多而飲食精神如故六脈和緩滑大無病者血盛有餘也兒大能飲自不來也

大全云夫妊娠漏胎者謂妊娠數月而經水時下也此由衝任脈虛不能約制手太陽少陰之經血故也衝任之脈為經絡之海起於胞內手太陽小腸脈也手少陰心脈也是二經為表裏上為乳汁下為月水有娠之人經水所以斷者壅之養胎蓄之以為乳汁也衝任氣虛則胞內泄不能制其經血故月水時下亦名胞漏血血盡則人斃矣又有因勞役喜怒哀樂不節飲食盛冷觸冒為寒遂致胎動若母有宿疾子藏為風冷所乘氣血失度使胎不安故令下血也

曾有一妊娠月信不絕而胎不損問產科熊宗古答曰婦人血盛氣衰其人必肥既娠之後月信常來而胎不動若晚近觀之便以為漏胎若作漏胎治之則胎必墮若不作漏胎治則其胎未必墮今推宗古之言誠有旨也巢氏曰婦人經閉不利別無所苦者是謂有子以其經血蓄之以養胎壅之為乳汁也有子之後畜以養胎矣豈可復能散動耶所以然者有娠而月信每至是亦未必因血盛也若謂婦人榮經有風則經血喜動以其風勝則可也既榮經為風所勝則所來者非養胎之血以此辨之若作漏胎治之必服保養補胎之藥且胎不損強以藥滋之乃所謂實虛虛也其胎下墮宜矣若醫者知榮經有風之理專以一藥治風經信可止或不服藥胎亦無恙然而有胎本不固而因房室不節先漏而後墮者須作漏胎治之此又不可不審也

方氏曰胎動胎滑皆下血而胎動有腹痛胎漏無腹痛為異備故胎動宜行氣胎漏宜清熱

李氏曰尿血自尿門下血漏胎自八門下血妊娠尿血屬胞熱者多四物湯加山梔髮灰卑苦黃菜飲亦妙因冒暑益元散加升麻煎湯下稍虛者膠艾四物湯久者用龍骨一錢蒲黃五錢為末酒調服

脈經曰婦人懷軀六月七月暴下斗餘水其胞必倚而墮此非時胎漿預下故也

薛氏曰胎漏黃汁下或加豆汁若因肝脾濕熱用升陽除濕湯血崩肝脾風熱用加味歸

脾湯脾胃氣虛用錢氏白朮散若脾氣下陷用補中益氣湯肝經風熱用防風黃芩丸風入腸胃用胃氣湯
加減膠艾湯 治胎動漏血有效

阿膠炒成珠

當歸

川芎

白芍藥炒

地榆錢各一

艾葉炒

甘草錢各五

右剉一服水煎饑服○漏血多起於氣

惱血逆火動之故可加炒黃芩炒香附炒砂仁研細同煎○或有受胎至四五個月即墮或至六七個月漏血
要墮者宜前方去艾葉地榆加白朮黃芩茯苓熟地黃續斷○有氣盛亦加香附砂仁 氣虛加人參黃耆之
類○如傷墮多次受孕後便宜服千金紫蘇飲及前加減法湯丸相間庶免再墮

安胎飲 治妊娠卒然腰痛下血不已

當歸

川芎

白芍藥炒

熟地黃

阿膠炒

艾葉

黃耆錢各一

甘草錢各五

地榆錢各五

右剉一劑加薑棗水煎服

大千方 治妊娠三四月腹痛時時下血

當歸

熟地黃

艾葉各六兩

續斷二兩

阿膠

雞蘇

竹茹各一兩

右用水一升煎取七合空心再服

如聖湯 治胎動腹痛或為胎痛

鯉魚皮

當歸酒浸

白芍藥

熟地黃酒蒸

川芎

川續斷酒浸

阿膠蛤粉炒

甘草炙

等分

右咬咀每服四錢加葱根

寸許生薑五片水煎溫服

安胎當歸湯 治妊娠舉動驚悸胎不安小腹引腰痛下血

當歸

川芎

阿膠炒

人參各一兩

大棗十二枚

艾葉一兩

右以水酒各三升煮至三升內

膠令烊分三服

枳殼湯 治胎漏下血及因事下血

枳殼

去穢炒

黃芩各半兩

白朮一兩

右剉水煎食前溫服○一方加生地入少酒煎

當歸寄生湯 治妊娠胎漏非時下血

當歸

川芎

艾葉

白朮錢各一

人參

桑寄生

續斷

熟地黃錢各三

右水煎空心溫服

黃散 治婦人胎漏下血

魚皮之用可

白朮為君氣少血盛
又是一法

白朮枳殼煎湯調地黃散見趙卓

可清酒炒

此方治胎燥則可若脾虛滑泄者禁之

凡遇此症最宜斟酌

生地黃 熟地黃各等

右為細末每服二錢煎白朮枳殼湯調食前服或吹咀水煎服

阿膠散 治妊娠無故卒然下血

阿膠始粉炒成珠

生地黃半切搗取汁

右以清酒三升攪勻溫熱分三服

一方 治胎漏下血不止胞乾即死宜急治之○生地黃汁三兩陳酒五合 右同煎三五沸溫三服以止為度

榆白皮散 治妊娠胎漏去血恐其難產常宜服之

榆白皮

葵根

火麻仁

瞿麥各二錢

木通錢半

酒浸焙 右吹咀水煎服溫

一方 治妊娠忽暴下血數升胎燥不安

榆白皮

熟地黃兩四

當歸

生薑各二兩

葵子一升肘後方不用

右剉以水五升煮取二升半分三服不瘥更作服之

子芩散 治肝經有熱妄行下血○細條黃芩炒為末每服一錢以秤鏹燒赤辛酒熱調服若脾胃虛不宜用

防風丸 治肝經有風以致血得風而流散不歸經 防風為末每服一錢白湯調服

防風黃芩丸 治肝經有風熱致血崩便血尿血

條芩炒

防風各等

右為末酒糊丸如桐子大每服三五十丸食遠或食前米飲以溫酒送下

○右三方治肝經風熱之劑

桂枝茯苓丸 仲景云婦人宿有癥病經斷未及三月而得漏下不止胎動在臍上者為癥瘕害妊娠六月動者前

三月經水利時胎下阻者後斷三月經也所以血不止者其癥不去故也當下其癥桂枝茯苓丸止之凡胎前

多當歸今動在臍上故知是癥也

桂枝

茯苓

牡丹皮

桃仁去皮尖

芍藥各等

右五味末之煉蜜丸如兔屎大每日食前服一九不知加至

三丸

本事方 治胎漏下血不止

取桃樹上乾不落桃子燒灰和水服瘥○本草云桃奴破血又治伏梁氣積

○右二方治癥病破血之劑